

中國方志叢書·華中地方·第九七號

據

清·王仁圃著  
光緒十七年重刊本


影印

江西省

# 江西考古錄

(全)

成文出版社有限公司印行



\*10096897\*

10096897

10096897

中華民國五十九年三月壹一版

# 江西考古錄

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三三〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

金谿王仁圃著

江西攷古錄

賦梅書屋藏板

光緒辛卯年孟夏  
月重鐫校對無謬

重刊江西攷古錄序

江西攷古錄金谿王仁圃先生所作也  
先生博學工文咸乾隆戊戌進士著  
述等身曾刻十三經策案不腫而  
走幾於家置一編復集江西山川  
要隘建置沿革輿夫風俗物產彙


為成書博引繁徵而折衷於通志  
即間參心得亦無一字無來歷誠  
藝林之寶笈也原刻在乾隆丁亥  
乃歲久毀於兵燹族孫長卿等從  
友人案頭借錄一帙不忍私為枕  
中祕也而願以諸同好因謀付剞

刷乞余言并其簡端余謂我  
朝功令詩文外兼試策問所以覘  
實學也操觚之士好求典實於臨  
場必先誨究於平日而粹染文獻  
尤當留心考據免貽教典而忘之  
譏是編博采群書融會貫穿自

成一家較江城名蹟等書尤覺精  
核不獨為策學之津梁並可補志  
乘之闕畷求實學者當無不先觀  
為快也余懼沒鄉先輩著書之  
苦心而負諸孫輩以善之雅意爰  
就課文之暇不辭而為之序云

光緒十七年歲輪重光單闕余  
月中澣奉新宋廷春書於豫章  
書院之麗澤堂時年九旬





# 原序

叔孫穆叔之論不朽也以立言竝德功而三論辨考證之作亦立言之一端也然繁稱博引而其義弗精勦說蕪詞而其文弗備皆不可謂之言立吾鄉實學自宋以來號稱極盛以立言不朽者數十人迄今日而其風稍替矣雖有瞻博馳騁之士往往務華去實匱在珠亡無

當於古者立言之旨如是而欲希踪前  
哲戛戛乎其難哉吾友王君仁圃高才  
篤學著書滿家嘗爲豫章風土賦盈萬  
言有班揚之逸軌焉而意弗善也近爲  
江西考古錄十卷又十代文獻畧若干  
卷思以羽翼通志於其缺者補之略者  
詳之訛者正之疑者辨之穴幽闡奧搜  
抉無遺而義彰詞婉若有不敢自任之

意深得古人直而弗有之義充其所學  
進而未已追鄉先哲而從之無難矣昔  
劉原父與歐陽公竝起或者謂歐之文  
工劉之學博予竊以爲不然歐公包涵  
古今羅絡百氏取其精意發爲高文學  
不可謂不博原父所補禮經三義雜之  
戴記中殆有過之無不及文豈不工乎  
論語曰好古敏以求之太史公曰好學

深思心知其意君爲吾黨之俊傑  
身於不朽以鳴

國家之盛願相與終勉焉  
上浣南谿何飛熊書  
乾隆丁亥元月



江西考古錄凡例

一江西古今事迹莫備於通志然多詳於近今而畧於遠古是編取名江西考古錄於通志詳者畧之畧者詳之非敢貴遠賤近抑效拾遺補闕之意

一江西全省所領郡縣古今沿革具載通志茲不復贅祇就前漢書地理志豫章郡十八縣相爲攷證此外若廬江九江雖別爲郡安成尋陽各分郡國然其始末皆屬江西當得合載東漢以後分設郡縣概不復考

一江西全省地方在漢以後統名豫章唐時始號江西本末名實頗費推詳故是錄於此二目討論尤悉

一通志不另立土地一門惟散見各卷中如漢書自沙武林見武事志三國志椒邱上繚見古蹟志之類然傳記所載江西土地尙多今並采輯詳加辨考凡若干條彙爲一卷

一通志山川古蹟冢墓各依府縣分載幾無遺漏今惟擇其有關考辨者入錄亦有不甚著名而得廁

於其列者以通志或有遺誤亟需考訂也觀者幸勿哂爲挂漏

一江西水道略具漢書地理志及水經注其詳則見通志山川水利二門今祇就漢志十水水經注十川考校同異存其大概而不及水道原委抑以此書原爲考古起見自當分別講究

一江西物產向無專書卽通志載各府所出草木禽獸亦空存名色不著形狀今復採羣書補之略成片段以附於益部方物記桂海虞衡志之列